

兩漢書疏證



西
漢
書
說
證



後漢書疏證卷七

吳 沈欽韓撰

張衡注 有平子墓

一統志張衡墓在南陽縣北

作渾天儀

隋書天文志威帝延熹七年太史令張衡

衡歿於永和四年志言延

熹者誤

更以銅製以四分爲一度周天一丈四尺六寸一

分亦於密室中以漏水轉之令司之者閉戶而唱唱以

告靈臺之觀天者璇璣所加某星始見某星已中某星

今沒皆如合符玉海

四

熙寧七年七月十日沈括上渾

儀議曰張衡爲銅儀蓋所謂渾象非古之璣衡也按隋志論渾天象曰渾天象者其制有璣而無衡不如渾儀別有衡管測揆日月分步星度者也儀象二器遠不相涉則張衡所造蓋亦止在渾象七曜而何承天莫辨儀象之異爲乖失哲宗朝蘇頌上元祐渾天儀象曰張衡所謂靈臺之璇璣者渾儀法也置密室者渾象也

注 言天體者有三家

御覽二賀道養渾天記曰昔記天體者有三渾儀莫知

其始書以齊七政蓋渾體也

劉氏麻正問曰
顓頊造渾儀

二曰宣夜

夏殷法也

劉氏麻正問曰宣明也衣幽也
幽明之數其術兼之故曰宣夜

三曰周髀當

周髀之所造非周家之術也

虞喜曰周髀之術多是蓋天劉氏曰黃帝造蓋天

近世復有四術一曰方天興於王充二曰軒天

晉志作明天

起於姚信三曰穹天由於虞喜

按四術僅得三家有脫文也天文錄曰虞喜作

穹天虞喜作安天蓋少出於虞喜四曰安天字皆以臆斷浮說不足觀也惟渾

天之事徵驗不疑

今天文家惟尚周髀

作應間

注引衡集作應間而以間爲非今本并訛間爲間文心

雕龍雜文篇張衡應間密而兼雅

參輪可使自轉

王應麟以爲卽記里鼓車按宋書志指南車其始周公

作後漢張衡始復創造

木雕猶能獨飛

墨翟魯問篇公輸子削竹木以爲龍成而飛之三日不

下韓非說林云墨子爲木鳶三年而成蜚一日而敗說文雕鷩也抱朴子應嘲

墨子刻木雞以厲天廣博物志文士傳曰張衡嘗作木鳥假以羽翮腹中施機能飛數里

旌督以之

呂覽介立篇作爰旌目列子說符亦作旌目此注引爲精目非本文也新序節士作族目

少昊清陽之末

據國語黃帝子有二青陽詳古今人表疏證

得人爲梟

楚策唐且見春申君曰梟綦之所以能爲者以散綦佐之也今君何不爲天下梟而令臣等爲散乎魏世家蘇代曰博之所以貴梟者便則食不便則止矣是皆以梟爲勝也

寵鳴而鼈應

莊子天運雄鳴於上風雌應於下風而化司馬彪云雄者寵類雌者鼈類

注 黃帝乃下天女曰妭

按大荒北經作魑吳任臣亦作妭文字指歸云女妭禿

無髮注妖卽妭之譌

洪鼎聲而軍容息

按國容不入軍軍容不入國享燕好合鼎俎在前則干戈自息矣聲是升之誤注謂聲或作磬容或作客皆非也

犀舟

韓非姦劫弑主篇犀車良馬與此犀舟義同

師天老而友地典

繹史論語摘輔象黃帝命知命糾俗天老錄教力牧準
斥鵠治決法五聖道級闕紀補闕地典州絡七輔得而

天地治

去鼴附

閣本作鼴鼴亦誤鼴當是鼴之譌說文鼴詹諸也徐鍇
繫傳鼴七宿切按爾雅郭注鼴鼴似蝦蟆居陸地淮南
謂之去蛟一切經音義引云淮南謂之去蛟山東謂之
去蛟按去鼴卽去蛟若使逐嗜腐鼠之鴟必爲其啖食
故下云先笑後號

注 墨子解帶爲城以牒爲械

御覽引牒作牒按方言禪衣江淮南楚之間謂之牒北
堂書鈔引牒作襟義同字誤也與解帶義連不當爲牒

嘗一龍機發而地不覺動

按帝紀陽嘉二年四月己酉京師地震袁紀同衡於陽嘉元年造此器而三四年內只有京師地震無隴西地震事此作傳者但欲美衡之巧思不復推檢實事

謂之讖書

淮南說山六畜生多耳目者不詳讖書著之說文讖驗也其始蓋以占驗家人禩祥耳北堂書鈔引蜀志孟達與劉封書云夫不經之言而有驗應者

號曰世讖也

雜之以九宮

九宮之說古今不同鍼經九宮八風篇云太乙常以冬

至之日居叶蟄之宮四十六日明日居天留四十六日
明日居倉門四十六日明日居陰洛四十五日明日居
天宮四十六日明日居玄委四十六日明日居倉果四
十六日明日居新洛四十五日明日復叶蟄之宮數所
在日從一處至九日復反於一終而復始按其行宮與
鄭乾鑿注自坎宮先從坤宮者不同宋史禮志唐術士
蘇嘉慶始置九宮神壇一成高三尺陛下依位次置九
壇東南曰招搖正東曰軒轅東北曰太陰正南曰天一
中央曰天符北曰太乙西南曰攝提正西曰咸池西北
曰青龍五數爲中載九履一左三右七二四爲上六八

爲下符於遁甲此則九宮定位隨歲改位行某謂之飛
位今麻家宗之與鄭注天一或曰太一僅主一神者亦
異

成哀之後乃始聞之

荀悅申鑒俗嫌篇緯書之作起於中興之前終張之徒平
或曰雜若彼者以已雜仲尼而已

河洛六藝篇錄已定

隋經籍志河圖九篇洛書六篇云自黃帝至周文王所
受本文又別有三十篇云自初起至於孔子九聖之所
增演以廣其意又有七經緯三十六篇並云孔子所作

并前合爲八十一篇

按祭祀志光武封禪刻石文曰皇帝惟慎河圖雒書正文後云舊典

不具不能明經文以章句細微相況八十一卷明者爲驗又其十卷皆不昭晰此述圖讖八十一篇亦與隋志

卷目

而又有尙書中候洛罪級五行傳詩推度災犯厤
樞含神務孝經鉤命決援神契雜讖據衡所云則河洛
四十五篇爲眞而七經緯乃後人皮傅也

宜收藏圖讖一禁絕之

魏書高祖太和九年詔自今圖讖祕緯及名爲孔子閉

房記一皆焚之留者以大辟論

舊唐書王世充傳世充將謀篡位道士桓法嗣

上孔子閉房記畫作丈夫持一竿以驅羊釋云隋楊姓也干一者王字也王居羊後明相國代隋爲帝也

衡乃詭對而出

欽韓謂草野之士懷蘊忠歛患其不得面天子也患其雖面而不得間又懼其雷霆之威陳之而不獲盡也洎人主虛己下訪則格君心條便宜無過於此時也爲衡者宜切言民之大患國之巨蠹中其隱微宛結之滯而啟其納約自牖之明何意隱情惜己主有清問臣無直辭孟子稱賊其君苟卿所云態臣者衡之謂矣

繕幽蘭

五經文字纂子短反似組而赤也類篇或作繕別有繕字說文云繕維綱中繩从系舊聲讀若晝或讀若維類

篇音互圭切

注 則又願爲牛與象

按尸子象下當有一鬪字又少今三三子四字淮南繆稱訓作中行穆伯手搏虎

注 廣雅曰鶡鵠布穀也

龍龕手鑑云子鳩鳥大如布穀不得卽以爲布穀也按廣雅鶡鵠子鳩也

鳩音規

鵠布穀也注引鶡誤羅願爾

雅翼或以鶡鵠爲伯勞

陸佃埤雅主服虔說以鶡鵠爲鵠

太史公云昔

古麻建正作於孟春於時冰泮發蟄百草奮興秭鳩先
澤澤卽鳴也離騷鶡鵠先鳴卽秭鳩先澤也此物以芳
時最先鳴若伯勞以仲夏時鳴豈復有芳草耶

利飛遁以保名

文選此賦與李善引九師道訓俱作肥遯彼注云遯之最美故名肥遯與侯果安時无悶遯之肥也語合惠棟周易述主此傳作飛云應在三四變三體离爲飛上失位變之正故飛遂离有飛鳥之象故爲飛飛遂謂去而還也

子有故於玄鳥兮歸母氏而後寢

文選注古文周書曰周穆王姜后晝寢而孕越姬嬖竊而育之斃以玄鳥二七塗以彘血寘諸姜后遽以告王王恐發書而占之曰蜉蝣之羽飛集於戶鴻之戾止弟弗克理重靈降誅尙復其所問左史氏史豹曰蟲飛集

戶是日失所惟彼小人弗克以育君子史良曰是謂關親將留其身歸於母氏而後獲寢冊而藏之厥休將振王與令尹冊而藏之於櫝居二月越姬死七日而復言其情曰先君怒子甚曰爾夷隸也胡竊君之子不歸母氏將寘而大戮反王子於后

注 俗謂之湘君湘夫人也

按列女傳無湘夫人也四字

注 得水仙爲河伯龍魚河圖曰

河伯旬絕龍魚河圖自是書名御覽八百九十二引龍魚河

圖文正與注同御覽書目列入河圖類齊民要術亦多